

• Et dicti syndici et procuratores communis Florentie sindicario et
• procuratorio nomine pro ipso communi contenti fuerunt ac dno.
• magistro Francisco procuratori et michi notario infrascripto tam
• quam publice persone stipulantibus et recipientibus nomine et vice
• dictorum dominorum de la Scala et aliorum omnium quorum in-
• terest vel intererit seu interesse posset, promiserunt et convene-
• runt. Et Commune et homines Florentie habitis in sua potestate,
• dominio, possessione et bailia, castris, burgis, fortificiis et terris
• predictis per se et suos rectores et officiales quoscumque, omnes
• et singulos homines et personas dictorum locorum, terrarum et
• castrorum et burgorum eorum tractabunt, regent et gubernabunt,
• et tractari, regi et gubernari facient ratione et iustitia in bonis
• eorum neque aliquem ipsorum gravabunt vel gravari facient vel
• permittent ultra comunes et generales impositiones, factiones et
• onera faciendas vel facienda et imponendas vel imponenda et exi-
• genda pro dicto comune et homines Florentie comunibus et ho-
• minibus castrorum, terrarum, locorum predictorum. Et quod tam
• habitatores et terrigene castrorum, terrarum et locorum, quam
• alii quoque cives aut districtuales lucani, qui haberent . . . pos-
• sessiones vel bona eis de jure spectantes vel spectantia in dictis
• locis, terris, burgis, et castris et districtibus eorum et quolibet . . .
• ipsorum debeant eis gaudere et ea habere tenere et possidere
• pacifice et quiete, tam si dicti terrigene habitaverint in dictis lo-
• cis, terris, castris et burgis aut eorum districtibus vel alicui eo-
• rum si nolent vel non possent in eis habitare, dummodo non
• vadant vel sint in rebellionem vel contumacia comunis Florentie.
• Et equo et simili modo observetur et fiat de hominibus et terri-
• genis dictorum castrorum terrarum et locorum et cuicumque eo-
• rum qui haberent terras, possessiones, et bona sibi de jure spe-
• ctantes vel spectantia in civitate vel comitatu seu districtu lucano
• quod eis debeant gaudere et ea habere, tenere et possidere paci-
• fice et quiete, dummodo non vadant vel sint in rebellionem vel
• contumacia dictorum dominorum de la Scala vel comunis Luce.